

Gvangjsih Minzcuz Bau

Cawjguenj: Gvangsiah Bouxcuengh Swcigih Minzcuz Cunghgyau Swvu Veijyenzei

Cawjbanh: Gvangsiah Minzcuz Bause

Geiz neix 8 banj

广西民族报

Aenhauh okbanj: CN45-0036

B.2023

Nd.5 Ng.17

Liggaeuq gvejmaux nienz ndwensam ngeihbet

Geizsoq: Gungh daih 3572 geiz

Gaiq Nduj Lizgyangh Vwnzyoz Ciengj Youq Gveilinz Biengjlaeuh 首届漓江文学奖在桂林揭晓

5 nyied 13 hauh, Gaiq Nduj Lizgyangh Vwnzyoz Ciengj youq Gveilinz biengjlaeuh, Vangz Mungz 《Lwglingz Caeuq Nyezrauh》、Sunh Binz 《Doxduenq Didangz》、Gwh Couh 《Sawcomz Gojgaeq Sincouj》、Muz Dauh 《Gvanhnen Daengxbuenz Vunz Cungguek》、Cang Di 《Cinglingzyoz Genjsij》、Moz Vazgez 《Ndaw Faenx-moenq Seiqgyaiq》 daengj cozbini ndaej ciengj.

Lizgyangh Vwnzyoz Ciengj youz Swcigih Cozgyah Hezvei cijdauj, Lizgyangh Cuzbanjse cawjbanh, muz-diz dwg gujli daihneix Sawgun vwnzyoz cauhyuh damqra cauymoq,

benz hwnj diegsang, langhbaiz Sawgun vwnzyoz cauhyuh cingzeik cei moq, comzgiet rengz, gyagiengz Cungguek caeuq Dunghmungz gak guek vwnzyoz doxyau laegdaeuq. Aen vwnzyoz ciengj neix bi bingzsenj baez ndeu, caemhcaiq banh hozdung “haemh Lizgyangh vwnzyoz” fatciengj caeuq doxyau yaenglwnh vwnzyoz.

Gaiq Nduj Lizgyangh Vwnzyoz Ciengj laeb ciengj sawcuenh raez bouh ndeu, ciengj sawcuenh rauh dinj 2 bouh, ciengj sei、sanjvwnz、mbouj dwg cauhoengq 3 bouh, soucomz gvaenglaengx daj 2022 nienz 1 nyied 1 hauh daengz 2022 nienz 12 nyied 31

hauh vwnzyoz cozbini cauhyuh fat baez nduj youq Cungguek daluz cingqsik fatbiuj roxnaeuz okbanj, gungh sou ndaej cozbini camgya bingzsenj 190 gienh. Canghraiz mizmingz Yiz Vaz guh boux cujyin bingzveijvei cunghingz Lizgyangh Vwnzyoz Ciengj baez neix, cozbini cunghingz youz gak bingzveij daezok doigawj lijyouz, bingzveij cizdij doxyaeng, doeklaeng yungh mingz-caen douzbiu gietdingh ok.

Ciuq cam rox, Lizgyangh Vwnzyoz Ciengj bingzsenj biucinj: Dingjmaenh gij yenzcwz miz swhsiengj caeuq miz yisuz doengjit; cozbini wnggai mizleih

fatyengz sevei cujyi hwzsinh gyaciz-gvanh, hauj bekkingq maqmuengh ndwenngoengz gyaundeiz ndaej habhoz; cozbini maenhndei naeuz bekkingq caeuq ndwenngoengz saedsaeh seizdaih moq, cauhyuh yienghsiengq vunzmoq seizdaih, yienh’ ok aen loqsiengj Cungguek fukhwng hungmbwk Cungh-vaz Minzcuz, ndaej gyalai haeujrwz; giemgoq daezcaiz、cawjdaez、funggek lai yiengh, yawjnaek yisuz binjcaet cozbini, gujli cauhyuh cienjvaq、cauhyuh hwnghfat, doiok cozbini maenhndei miz daegsaek Cungguek、funggek Cungguek、baijdaez Cungguek. (Lij Gyanghen/李家健)

2023年5.18国际博物馆日活动主题：博物馆、可持续性与美好生活

三江侗族自治县5.18国际博物馆日 红色小小讲解员比赛

主办单位：三江侗族自治县文化体育、电视和旅游局

承办单位：三江侗族自治县博物馆

三江侗族自治县生态博物馆

三江侗族自治县文物局

协办单位：三江侗族自治县文化馆、县青少年宫、县艺术教育

Sanhgyangh: Bouxgangjgej Iqet

Caemh Daiz Beij Fungheaij

三江：小小讲解员 同台竞风采

5 nyied 14 hauh, Sanhgyangh Dungcuw Swciyen banh aen hozdung bouxgangjgej iqet doxdax gangj saeknding “ngoenz boz-vuzgvanj gozci 5·18”, 62 boux lwghag Mbanjdung youq baihnaj Sanhgyangh Dungcuw Bozvuz-gvanj caemh daiz doxdax, gangj gij gojgaeq iq gwzming saeknding caeuq sawmaeg vwnzva minzcuz, gangj ok gij cingz gyaek guek bouxcoz nyezrauh Mbanjdung, haenqrengz gyalai lwghag Mbanjdung vwnzva gagsaeng caeuq roxnyinh minzcuz miznaj.

(Gungh Bujganh Cinz Fangh-yij/龚普康 覃方宇)

Hoihfwen Minzcuz Bouxcoz Nyezrauh Cungguek—Dunghmungz Youq Nanzningz Guh 中国—东盟青少年民族歌会在邕举行

5 nyied 13 hauh, “sam nyied sam Bouxcuengh • fungcingz Bouxcuengh noengz” bouhfaenh baenzroix hozdung youz Swcigih Vwnzva Caeuq Lijyouz Dingh cawjbanh haenx — “Gij sing byadah • doxiek gyaundeiz” Hoihfwen Minzcuz Bouxcoz Nyezrauh Cungguek—Dunghmungz youq Cungguek—Dunghmungz Cinghsaunenz Vwnzva Yisuz Cinghsinh guh.

Hoihfwen bineix cawjdaez dwg “sam nyied sam doxcomz • cingz Dunghmungz caezhoh”, doxyawj

doxhag yisuz, doenggyaq bouxcoz nyezrauh doxdoeng doxyau, gyalai doiqrog cienz caeuq doxyau minzcuz yinhyoz Gvangjsih.

Daengx ciengz hoihfwen doenggyaq langhbaiz yisuz, faen baenz “Gvangjsih gyaundeiz yienj byadah” “dah fanh leix caij fwen byaij” “roensei Dunghmungz buj vazcangh” sam biencieng hung. Hoihfwen youz Aen Duenz Lwngyez Habciengq、Aen Duenz Gyauhyangjyoz Bouxcoz Nyezrauh Cungguek—Dunghmungz

caezcaemh yienj 《Cin Raeuj Va Hai Sam Nyied Sam》 haiciengz, hauj bouxyawj youq ndaw hoihhoengh yinhyoz miz minzcuz vwnzva daegsaek simmaez. Minzcuz yozgi guj-cwngh caeuq fwen ciengqfap yungz-hab 《Liuz Sanhcej Suizsiengjgiz》, cauhyuh yienh’ ok gij ciengzgingj ginghdenj “Liuz Sanhcej doiqfwen”. Fwen cauhyuh 《Fwen Iu Baengz-youx Ndei Dunghmungz Daeuj》, ciengq ok gij yiedcingz gyaek hek bekkingq Gvangjsih.

Ciuq cam rox, Hoihfwen Minzcuz Bouxcoz Nyezrauh Cungguek—Dunghmungz daj 2021 nienz haibanh doxdaej, laebdaeb 3 bi baenz baenz-roix hozdung “sam nyied sam Bouxcuengh • ciet guh’ angq Gvangjsih” ndawde loh ndeu, gaenq dajcauh baenz aen binjbaiz hozdung Dunghmungz gozci bouxcoz nyezrauh doxyau vwnzva miz minzcuz daegsaek Gvangjsih.

(Vangz Cing/黄静)